



御選元詩卷第六十一目錄

五言長律二

虞集六首

楊載十八首

范梈五首

揭傒斯三首

黃潛一首

柳貫四首

吳萊五首

吳師道四首

宋褰二首

御選元詩

卷六十一

目錄

王士熙三首



御選元詩卷第六十一

五言長律二

虞集

正月十一日朝回即事

宮樹春陰合，霓旌拂曙來。  
天光臨閣道，雲氣轉蓬萊。  
晝漏沈沈鼓，晨尊灑灑杯。  
香霏簾底霧，樂殷殿前雷。  
祥瑞儀曹奏，珍淳尚食催。  
舞庭分鷺序，效獻過龍媒。  
融雪微生草，輕風不動埃。  
老人南極至，王母上方回。  
玉色何多喜，金華得重陪。  
裁詩賀新雨，西閣待門開。

贈別兵部崔郎中暫還高麗即回中朝

東髮來東海，從軍護北門。  
珠光連旭景，玉氣達春溫。  
淵

御選元詩

卷六十一

虞集

一

靜龍含德門，嚴虎列屯從。  
容參幄，帳慷慨，屬橐鞬。  
拜表推黎獻，趨朝謁至尊。  
雲依溫室樹，星入紫微垣。  
不道瑤璣貴，仍嬰筦庫煩。  
利行雖近市，義守不窺園。  
眷遇忘身得，危難欲手援。  
懷邦維父母，於國實甥婚。  
草草還羈勒，原原致壁飡。  
魯連名竟重，箕子教應存。  
簡在從當日，扶持系宿藩。  
清官風肅肅，駿乘火焯焯。  
帝所爲郎重，王家報禮悖。  
暫伸桑梓敬，未愛李桃繁。  
神闕秋期早，康侯晝錫蕃。  
九成思閣鳳，六月待冥鷗。

送國王朶而只之遼東

太祖收中夏，元臣有武功。  
建邦開土宇，爲位冠君公。  
奕世王章在，諸孫相業隆。  
春秋周正月，禮樂魯新宮。  
鹿幣

金遺耐熊侯算失中河山仍鐵契寶玉右琬弓投筆鄒  
枚秀揚旂芮縮雄塞雲依碣石凍雨灑遼東戎器橐藏  
盡賢書奏納同大夫勞誓御惇史采民風

送陳碩

并序

莆田陳氏慶曆名法從故家也自衆仲來京師集  
得友焉凡問學修己之事有益於愚陋多矣又從  
知其父兄之賢也問所自出則南塘趙氏信乎其  
學之有傳矣嘗以其從子碩來見予愛其端謹可  
望南歸省父衆仲送之以文予不能忘也乃賦詩

曰

六歲過閩郡書聲憶滿城目盲今子夏心醉昔延平爾

御選元詩

卷空 虞集

二

叔同遊息吾文愧老成每分重席煖相對一燈明遠海  
乘桴意高山伐木情願攜邛竹杖往看離支生辟掾青  
衫舊趨庭綵服輕爲言穿木榻亦未厭藜羹寶瑟留飛  
鴈蘭舟及轉鶯珮懷湘渚贈綬向會稽迎去去江雲濕  
飄飄烏霧清重來知有意時我已歸耕

奎章閣有靈壁石奇絕名世御書其上曰奎章

元玉有勅命臣集賦詩臣再拜稽首而獻詩曰  
禹貢收浮磬堯階望喬雲自天承雨露拔地起網緼擊  
拊磬音合衡從玉兆分巨鼇三島力威鳳九苞文辨位  
資乾坎爲山填幅員固知興寶藏不假運神斤書帙侵  
春潤香爐借宿薰煙光晴冉冉波影晝泫泫融結繇元

化登崇荷聖君瑞於龜出洛重若鼎來汾柱立尊皇極  
磐安廣帝勲詎云陳祕玩因願獻前聞

送南宮舍人趙子期宣詔交阯

三年頒正朔五月向南交將命方離闕陪臣已在郊衣  
裳鴻羽漸干戚虎皮包瘴霧衝風散瀧湍急雨捎朱鷺  
窺土室白雉下槽巢夜浦鮫停織陽岡荔拆苞初筵紛  
氍毹後騎列笏鏡詎日修王貢兼時眠客庖方言書及  
理海錯藉青茅漢柱苔侵篆秦林桂拂旂括囊無惹苾  
當戶有蠨蛸即見還英節無煩筮六爻

楊載

贈周景遠學士

御選元詩

卷六二

虞集

楊載

三

朔易回元氣人才起俊流聲華當翰苑文采冠中州振  
珮趨臺閣抽毫侍冕旒人傳鸚鵡賦家有鸚鵡裘式觀  
黷宮立共惟祀典修一朝虞或缺六器俾旁求俎豆俄  
成列蘋蘩遂可羞中朝方有道下士實同休已及歸鴻  
候姑爲食蟹謀朋簪多繾綣使節少淹留曉日花間酒  
春風柳下舟篇章微品藻山水媿清幽鄭璞曾先辱隋  
珠不暗投考槃雖自引闕觀亦吾憂簡冊銷長日蓬蒿  
憚凜秋論高非縱誕興遠託賡酬尚憶駒千里胡能貉  
一丘何當把君袂相逐馭風遊

春雪次陳元之韻

寒氣何悽慘春空正杳冥東皇收橐籥北帝駕軫輶混

沌包三極續紛走百靈散珠分的礫擊玉碎瓏玲始試  
朝藏日俄疑晝隕星危橋無客度曠野少人經百沸疑  
奔瀨孤撐沒峻岭林荒顛凍雀崖滑墮哀挺袞袞隨風  
舞颼颼雜雨零遺蹤初得免匿種詎憂螟眊睐傾農室  
歌謠徹帝庭陽春將布德品類各成形捉筆題新句持  
杯酌舊醪今朝須痛飲醉臥不須醒

送張仲實之宜興

南渡邦初造西山將獨賢立功何赫赫流慶尚綿綿報  
國橫戈數登壇授鉞專風雲方際會江海固周旋控險  
千鈞弩臨危七寶鞭忠誠深足仗智勇實兼全自返高  
橋役端持宥府權兵威終抗敵人力可回天甲第無踰

御選元詩

卷十一

楊載

四

者諸孫固穎然初生同燕領有美自嬋娟善學聞當代  
能詩起妙年衛公猶故物鄭老竟寒氈矯矯青雲器冷  
泠白雪絃同遊雖未達自視已無前政事兼留意時髦  
孰比肩知機無轉石縱辨若奔川特達羣公薦酸寒衆  
目憐姑爲文學掾會覓孝廉船必見公侯復無論雨露  
偏秋風鵬鷲健萬里正翩翩

士開燕岳氏溪堂有溪山新月上江海故人同  
之句邀予及張仲實曹克明同足成之

置酒秋風裏憑闌野色中溪山新月上江海故人同縱  
浪情何極留連燕未終三鱸來上客五馬會羣公積水  
輸清氣微霞銜近空將昏林尚白及早稻先紅極論追

遐古深情念困窮尚觀儀秩秩未遂樂融融才著當朝  
傑文誇命世雄數君今日選宜爾集南宮

次韻黃子久喜晴三十韻呈汪知府

霞彩晨張錦蟾光夕挂鈎陰霾雖盡解淫潦豈全收寢  
動遨遊興還聞唱和謳容容追舊賞歷歷破新愁騎氣  
城邊縱龍光海際浮豔妝來士女盛服擬王侯在藻羣  
魚躍依林白鳥啾河流交不斷山勢轉相繆物理歸含  
毓人情釋怨尤娛娛從老穉燕樂逐朋儔幄帟分郊次  
幃帷擁道周聯翩馳畫舫噉喋累朱樓貿易通遐壤繁  
華壓大州聚廬千井富接棟萬家稠已戒增周口仍催  
決下流嘉蔬連隙地宿麥徧高丘曹事虞多廢胥徒戢  
御選元詩

卷五

楊載

五

過求醞恩方並育和氣與同游期會朝先往追隨暮不  
休露花開的的風葉振颼颼拾芥非無日登禾即有秋  
朝家期少試鄰郡固難侔共美光華著還矜德業修在  
廷爭進薦當宁免垂憂玉漏傳臺角金樽出殿頭秉心  
存正道造膝待嘉謀履直恒如矢防偏或類舟第誇繙  
竹簡不省計牙籌善對慙鳴鶴能歌媿飯牛過情蒙許  
與彌月爲淹留

再用韻贈黃子久

自惟明似鏡何用曲如鈎未獲唐臣薦徒遭漢吏收悠  
然安性命復此縱歌謳石父能無辱虞卿即有愁歸田  
終寂寂行世且浮浮不假儕羣彥真堪客五侯高人求

款洽末俗避喧啾藜杖常他適繩樞每自繆與人殊用  
舍在己寡愆尤濟濟違班列俛俛遠匹儔能詩齊杜甫  
分道偏莊周達飲千鍾酒高登百尺樓艱危仍蜀道留  
滯復荊州鶴度煙霄闊龍吟霧雨稠東行觀海島西逝  
涉江流自擬需于血何期渙有丘古書嘗歷覽大藥豈  
難求撫事吟梁父馳田賦遠遊堂名希莫莫亭扁效休  
休檻日吟東濟牕風背北颿鳴琴消永晝吹律效清秋  
雅俗居然別仙凡迴不侔多聞踰東哲善對邁楊修儘  
有匡時略寧無切已憂塵埃深滅迹霜雪暗盈頭始見  
神龜夢終營狡兔謀雪埋東郭履月滿太湖舟急景誰  
推轂流年孰唱籌凌波乘赤鯉望氣候青牛好結飛霞  
御選元詩

卷六

楊載

六

佩胡為淹此留

寄王繼學二十韻

聖主敷皇極元臣建上台虛心求俊乂削迹去姦回拜  
命超凡品知君秉大材淳風隨日播公道應時開負鼎  
資烹飪操刀貴剗裁銛鋒行肯綮興味合鹽梅廟議常  
參決朝班復共陪艱難須仗助豁達遠嫌猜遺佚聞風  
起英豪接踵來經綸非董賈辭藻亦鄒枚在野思羅致  
盈庭想轂推既將龍作友惡假鳩爲媒走也今留此公  
乎可念哉執竿猶海上扶耒即巖隈自守幽人意寧虞  
俗子吟舊遊辭玉府故事憶金臺落魄江湖阻蒼茫歲  
月催丹心徒耿介素髮已毵毵勿謂交如水能忘恥及

疊飛黃當駕馭猶足異駑駘

送完者都同知

來遊天子學籍甚有聲華論事依三策藏書至五車姓名題鴈塔譜牒記龍沙自可編青竹兼宜縮白麻文工金有價貌美玉無瑕興盡方豪飲篇終不浪誇豈惟吟芍藥曾是賦薰葭事莫分難易人須辨正邪月中初折桂天上始乘槎勿待秋風起宮門聽鼓過

贈郭集賢

衣冠趨近地藻翰集羣賢給事黃門裏抽毫黼座前佩龜金作紐賜馬玉爲鞭御酒傾壺滿宮花插帽偏清光依日月逸思繞風煙記憶踰三篋吟哦過百篇自惟叨御選元詩

卷二

揚載

七

悠然閣

高閣凭虛起登臨興甚長江流春渺渺樹色曉蒼蒼原隰魚鱗布峰巒鳥翼張雲來兼北極雨過及南荒地大遺民富時清致理康南山常在望懷古意難忘

寄周御史二十韻

同游河北後共抵浙西初獨倚知心舊翻成會面疎三年仍契闊萬里更吹噓小子無奇氣先生有過譽見稱司馬賦求授夏侯書倉卒排歸計淹留著寓居已非興

俊逸猶是主癰疽名士多親我諸公或請子駕言將采  
芑卽事欲連茹顧爾傷流矢居然恨倚閭驚心聞杜宇  
過眼易蟾蜍忽名抽金匱俄徵論石渠文章殊賈馬謀  
略匪嚴徐薄技終難效窮愁只自如尚矜存弊履不肯  
曳長裾與作棲梁燕寧爲涸轍魚儀形長日想懷抱幾  
時攄奏疏聞當宁抽毫待直廬烏臺絃旣改鼇禁席仍  
虛馬首何繇見分光興有餘

雲山圖爲茅山劉宗師作

長江千萬里奔浪薄高雲龍見誰能覩猿啼不可聞迂  
迴因地勢昭晰應天文劍氣秋如洗珠光夜欲焚連峰  
俄筍迸斷岸復瓜分句曲臨東極巖頭有隱君

御選元詩

卷六十一

楊載

八

贈魏虛舟少府

西蜀文章伯東吳閥閱家族傳貞觀舊躅繼信陵遐雅  
度人難測高名衆共誇爲楨材不小韞櫝玉無瑕鳴鳳  
占諧吉乘龍偶契嘉三牀邀納笏萬弩護排衙世賞官  
仍及朝參寵復加天顏垂眷顧地肺侈光華緩步方鳴  
玉高情欲泛槎翻然歸翠麓姑爾奉黃麻彭澤還栽柳  
河陽不種花投閒銷日月訪古略煙霞臘蟻常開宴春  
魚每看又興來恒放逸賓從任喧譁閤靜褰珠箔窗虛  
闕綠紗琴彈多古雅詩就輒妍姱願作梁間燕徒慙井  
底蛙執鞭曾莫効抱瑟敢長嗟戀戀情終在悠悠道苦  
賒春風吹去旆翹首又天涯

送丘子正之海鹽

珠生滄海底，玉韞碧山中。夜氣交明月，陽精現白虹。有賢兼重價，當代振英風。好學由天性，能書至國工。知名傳冀北，作賦擬河東。始欲徵揚子，旋聞薦褚公。陰符難獨美，遺教實爭雄。絕藝雖宜進，奇才自不同。交游傾上國，掄選屬南宮。鄧禹官初試，匡衡對漫通。海邦終寂寞，學館尚穹崇。已注千人錄，當成五典功。星辰皆在水，渤澥信浮空。把酒歡何限，乘槎興不窮。文章趨浩瀚，物態入牢籠。子必登芸閣，吾方守桂叢。索居彌寡陋，荒業孰磨礱。弗獲披雲霧，惟思對華嵩。知音期郭泰，流俗易王充。江海從茲逝，飄飄任短篷。

御選元詩

卷二

楊載

九

招真觀圖

欲學無爲道，來居小有天。精神消物怪，采色變風煙。恬澹知天德，虛無象帝先。高風何特達，古跡尚流傳。地涉鴻荒表，山開混沌前。谷幽疑鬼聚，峰巧類人鐫。疊起三重閣，分流百道泉。巖穿留虎跡，石冷逗蛟涎。放浪曾無日，遨遊未有年。古經披覽罷，毛骨爲醒然。

寄沈少微金華山隱居

巖前通細路，嶺外接危峰。梯磴踰千級，煙霞過萬重。綠崖收異莽，步壑數長松。隔屋號朱虎，當窗現黑龍。蘅蘭爭酷烈，桃李角鮮穠。隱士多相過，仙人庶可逢。第能安性命，何患改顏容。鍊鼎丹砂熟，傾壺白酒醲。微茫追絕

響瀟灑振孤蹤鄉里宜同好他年必子從

送侯尊師歸蜀

北上關河遠南歸歲月賒飄飄攜短劍杳杳泛靈槎別  
岸秋濤掩前山曉霧遮欲攀青桂樹先採白蘋花天道  
元無極浮生即有涯舉杯吞夜月引袖拂晨霞獨跨沖  
天鶴能追赴壑蛇祇應投老去長日煉丹砂

春晚喜晴

積雨俄經月新晴始見春蒼苔侵別墅綠水過比鄰性  
僻居宜遠身閒景易親無詩排世累有酒縱天真循圃  
花粘履憑闌柳拂巾歌呼從穉子談笑或嘉賓漸喜漁  
樵狎仍欣鳥雀馴幽情延薄暮浩思集清晨養拙元非  
御選元詩

卷三

楊載 范梈

十

病爲文敢自珍杜門緣底事作計嬾隨人

范梈

贈李提舉之官豫章

公孫閣下士多似魯諸生昨者聞高誼茲行起盛名文  
亭南斗近征旆北風輕余亦懷鄉郡今猶滯帝城關河  
驚半面雪霰念孤征芳宴絲簧咽新詩錦繡成長塗心  
果怯令節眼增明渺渺飢鷹度嗷嗷旅鸛鳴露凝秋浦  
白雲散夕堂清是物關流動何階計合并會須縈桂楫  
相共啜尊羹徐孺亭前水因之幸寄聲

立春日和王翰林

北斗紅雲上西城皓雪邊歲華今若此宦味故依然節

籬荒冬後寒驅夾日先樓臺通帝極井落散人煙登眺  
臨無際歡娛信有年客情關外地農事庾陰田只有傷  
絃促那能效履穿幾時歸櫟社盡日接芳筵寶鼎昇平  
瑞金旛淡蕩妍透迤朱鳳集瀟灑白鷗眠遠業嗟何就  
高明賴必傳道雖沾世用意漫逐時遷顧遇煩頻數欣  
榮頗倍千江湖萬里興爛漫百花前

寄甄氏訪山亭二十二韻

問子亭何許滹沱舊水頭谷陵千載異風物四時幽城  
郭長無事琴尊或此游窗據平野秀戶接亂泉流猿鳥  
相賓送漁樵互獻酬太行晴日近碣石晚煙稠莽莽青  
天外離離碧海陬都將神迹化只可笑談求大檻花周  
御選元詩

卷五

范梈

十一

映虛階葉竟抽豈容黃壤汙祇爲白雲留更就諸峰老  
寧須萬戶侯心知嗜好酷勢肯去來休予亦尋山者人  
疑避世儔偶然依紫闕不是謝丹丘薄與江湖遠頻嗟  
歲月周夢嘗經五嶽思屢繞三洲室宇憑誰寄園林誓  
自收把書消旦暮種藥引春秋地僻澄官冗天空埽旅  
愁幾時攜古劔萬里覓扁舟賸想高人趣空懷賤子羞  
猶勝徐市俗瀛島計悠悠

贈裴秀才

江邊見立春花老問征人物色隨鄉異風光逐候新朝  
廷方貴士經術足謀身舉世皆騰踏如君獨隱淪鳴山  
應鶯鶯在野決麒麟已用遺經試寧辭累牘陳飄颻行

李別縑繚酒杯頻四海多英俊諸公自等倫雲霄開大道溟漲接通津百轉倉庚近雙飛蛺蝶勻款留俱醞藉歸到莫逡巡肯薄傳家賦猶堪博釣論

題翰林宅山水圖

敏絕丹青手驅馳翰墨場力能移地軸藝直破天荒素壁清風起蒼崖旭日光喬林支混沌巨石偃滄浪鶴背夫容影牛頭薜荔香參差殊不謬奔峭亦非常仙去遺真館人來倚釣航向知萬里近不費一生成忙擬乞丹砂洞長尋碧草鄉松喬如可及結友更何方

揭傒斯

集賢大學士趙國公王開府慶八十應制

御選元詩

卷六

范梈 揭傒斯

十一

昭代雍熙日詞林賦頌時紫宸丹詔出甲第五雲垂裕廟青宮裏王公玉樹枝朝趨陪綺用夕侍接龍夔際會真難及飛騰已在茲暴公初繡斧方叔更藩維霜簡驚風采天官肅羽儀還迎代邸入竟被漢文知位望躋三少權衡俯百司每蒙天黼黻直許國著龜鳳吹廣寒殿龍舟太液池羽觴春侍宴玉座夜觀碁德業前賢繼辭華後進推高情晞廣受餘事擬徵珪全趙山河富瀛洲日月遲九卿看綵服八袞表龐眉皇覽逢初度殊恩介壽祺黃封中使出玉食尚饗移國老陳嘉慶

李韓公作序

羣工

播盛辭禮非前代有施及老臣宜福祿何人並忠貞百歲期聖心誠念舊政用作臣規

奉送全平章赴江西

聖主思南土，明公起集賢。直期凋瘵後，共致太平年。金  
虎分符重，文龍賜服鮮。權綱兼將相，標格近神仙。天地  
三江外，星辰北極邊。丹心齊出處，素志在陶甄。請述江  
南事，都非大德前。但徼扶弱美，竟坐抑強偏。無復同憂  
樂，徒令舞智權。平疇吹渤澥，暗室伏戈鋌。貪黷明相訓，  
忠良默自憐。民心隨日壞，世態與時遷。况復兵饑接，仍  
聞病癘纏。誅求殊未已，蝨賊轉相挺。若擬寬憂顧，先須  
解倒懸。久飢寧擇食，多病但求痊。一語堪懲勸，微機足  
轉旋。已知平似水，更道直於弦。遙想聞公至，渾如望歲  
然。九重天上別，百丈霧中牽。日月明金節，山河入畫船。  
御選元詩

卷十一

揭傒斯

三

四方初息馬，五月正鳴蟬。豐樂田多黍，生香樂有蓮。岱  
宗標魯地，廬嶽壓湖天。水怪收崩浪，山靈掃瘴煙。歡呼  
麟鳳出，踴躍吏民先。笳鼓趨雄鎮，旌旗覆廣川。下車和  
氣應，袖手頌聲延。膏雨侵淮甸，仁風扇海壖。忠貞真世  
篤，調燮有家傳。赤子皆同體，蒼生且息肩。龔黃須警策，  
方名在蕃宣。

送李掾自北回歸省長沙因簡趙宣慰張徵士

呂宗二判官

萬里風沙斷，三湘日夜流。名成親白首，歲暮客扁舟。黃  
鶻延歸思，丹楓替別愁。眼穿迴處鴈，心靜狎餘鷗。細雨  
黃陵廟，殘陽杜若洲。漸深桑梓敬，翻畏友朋留。送遠慚

羈旅臨分憶舊游鐘聲衡岳曙帆影洞庭秋風壤通蠻  
徼煙霞拂帝丘交歌明月市傾旆壓雲樓訪菊逢徵士  
行瓜識故侯爲言憔悴客敝盡黑貂裘

黃潛

九日登石頭城

背郭翼塵遠高秋川岳清幽懷初曠蕩陳迹故縱橫遙  
望龍盤舊長憐蟻穴爭紺園隨處闢粉堞向來傾發草  
窺胥井看碑驗故塋門開蒼耳路亭愛翠微名遠樹淮  
南出滄江鳥外明入煙川浩渺風物歲爭噤吹帽仍佳  
節傳觴但老兵愚生雜鼃鼃浪走媿璜珩去去帆檣盡  
蕭蕭蘆葦葦鳴登高未成賦覽古獨含情政復哀王粲何  
御選元詩

卷六

揭傒斯

黃潛

柳貫

十四

堪厭禰衡敝廬滄海曲目斷白雲生

柳貫

贈別宋季任赴甘肅提舉二十韻

寧塞洮河外甘州瀚海隅羌髻通別譯封域界中區氓  
俗風丕變王靈德誕敷粵初聯吏治近亦好文儒左學  
將興蜀西庠昉自虞懷章煩遠役鞭馬戒前驅驛路爭  
迎傳關門不用繻水經張掖弱山對賀蘭孤禹鑿班班  
迹幽詩往往圖發時梅未萼上日草應芻元宰親加豆  
詩生肅詠零職司雖翰墨佩服已銀朱會覩天荒破端  
令士氣麤槎明星是客鄉大酒爲徒請播言斯在居夸  
聖豈誣高才每流蕩平世匪崎嶇只作三年夢須輕萬

里塗旃廬春襲笳管曉烏烏漿豔葡萄盃馐寒翡翠  
鑪新篇多慰意許可寄潛夫

次韻荅鄉友吳立夫見寄之作感別懷歸情在  
其中矣

宇宙方來事江湖獨往人扶搖遺短翮濡沫到窮鱗誤  
作軒裳夢終慚稻錦身迹雖侷燥濕學豈混疵醇跼步  
逢多躓虛懷待一振屈伸乘卦氣消息候天均喜際三  
雍啓還依六籍親馬羈從幸日螿案潔餐辰騰口虞官  
謗稽謀信卜陳踐更非顯陟遷秩遂爲真清廟方惇禮  
容臺忝末塵卑卑論燕雀憲望麒麟緬想閒居賦猶  
存弟子紳國鄉誰尚友輿阜或稱臣飛翰因來客分光  
御選元詩

卷二

柳賢

一五

卣照鄰之人芻有束何物稼盈囷矍圃初登射驪山適  
罷巡玉全遭別足淵靜得藏珍接席連芳晝看花惜好  
春言筌開窈窕理窟至馴馴蓄思文俱銳修名實與賓  
逝將熙孔業由此樂顏仁淹泊思同社羈孤若異倫宜  
休寧俟斥漸老最憂貧夙願惟畊釣浮榮謝鼎茵滅行  
無聽漏觀涉即知津狐首求吾正螽斯詠爾詵粉榆應  
不改蘿蔦重相因惜遠接青菊期歸睇綠蘋題詩緘恨  
去離緒極紛綸

大雪戲咏

霰集先驚密雲垂陡覺低穿帷纔巧入擁砌已深迷  
蟾影宵翻鵲犀光晝駭雞投虛知井幕蒙險失巖梯九地

藏膏澤千門委壁圭黃輿增厚載元武螫幽栖忽灑聲  
尤急中休氣轉淒辨方惟有服封谷不須泥稍喜夷塗  
闢多憂陷穿擠世將還樸素壤盡徹青黎固欲殊廉角  
於何畫町畦溟池涵上下瀼岸渺東西縞舉仙人袂窗  
明玉女閨混淪收日脚軒豁露坤倪翦毳巾成氎吹灰  
室覆緹祆氛隨蕩析闢茸謝搥提勁竹猶遭挫疎梅恰  
吐齊若爲散鱗甲無已戮鯨鯢睨日消遲見豐年卜可  
稽漁歸裝襜褕兒戲象後貌正苦貧衣綻那禁凍面鰲  
曉罌初撥醴午椀更吹壘幾夢斟羔唱徒聞索飯啼掩  
關誰埽軌返權却尋溪踐迹嗔鴻爪全生媿馬蹄莫抽  
梁苑思爭效漢袷題

御選元詩

卷空

柳貫

吳萊

十六

送翰林書寫郤從聖赴臨淮尹

故人爲縣去聽我說臨淮白水騰騰溢青山岸排牛  
畔多種秣魚摻亂編柴貴險民常足知柔俗易懷無庸  
輕保障尤欲念顛厓美錦休傷製清琴莫近哇心將千  
古契興與四時佳池影花當檻簾陰草滿階揮毫還有  
待退筆未須埋禁鬱羅三館招旌下兩涯煌煌良史策  
寂寂太常齋豈必長安客東方獨好俳

吳萊

嚴陵應仲章自杭寄書至賦此荅之

故舊何懸絕閒居欲反招幽并風雪緊楚越水雲遙短  
褐緇塵破長罈寶氣銷門垣成隱逸筆檣到畊樵逆旅

呼燈夕修闡徹棘朝囊書題蒼葭發論獻芻蕘舌酸真  
熏灼胸兵劇鍛敷乘軒南國鶴解旋朔庭鷗幹運天垂  
斗蜚騰海作潮荃蘭騷地變橘柚貢年凋色采黃金敲  
音聲徵角韶潛身甘蟄蠖賦命類茗鷓筮仕龜無兆攻  
經教有條秦灰完竹帛漢粕味簞瓢畫品翎毛貴雞場  
爪距驕文章通政理道義勝官僚歲月嗟悠久湖江耐  
寂寥花濃攜酒榼柳霽賣錫簫制虎搖金錫驅龜駕赭  
橋流連光景賞播蕩別離謠世笑烏非鵲吾憐狗續貂  
呼號三刖璞忼慨五陵鑣落落山中桂叢叢澗底苗依  
然百將略付與霍嫫姚

憶寄方子清時子清久留吳中

御選元詩

卷三

吳萊

七

一別嗟何處相思撫舊蹊月明施瀨北雲起蠡巖西跋  
涉舟車動過從笈篋攜鄰光因借燭道味肯吹藿好學  
螢分照論交鴈擇棲丘園心薜荔海國氣鯨鯢卷帙籤  
翻蠹謳吟硯發鷺經筵參老易樂府錄鏡輦治法推周  
稼淳風仰漢綈談元知野馬考字守家雞土域標鞮象  
天圖辨輝鐫遺文多廢墜妙契極端倪獨樹盤桓久平  
蕪眺望低霜林紅玳瑁霧雨碧玻璃屏跡依狐兔銷愁  
對鷺鷥塵書投梵夾美餉孳童艣櫂葉時遮峒藤梢或  
罨谿龍居睨雪瀑虎路躡霞梯出入恒聯袂追隨幾杖  
藜竹山香嶺嶠花島繡湖隄尚義開鬢始延儒振席齊  
生徒修棗脯祭品授菹萑錦石看還數蒼松倚却題吾

伊朝屢集渾灝夜同稽自謂昔爲獸人疑穀似稊中憎  
眞抑鬱外物總筌蹄歲序空流邁濤波益慘悽故袍寒  
擘繭雄劒滑膏鵝綠映牽帆水紅黏曳屨泥娃宮釵鈿  
拾甫里筆牀齋鶴市歌喉引鱸鄉繪手拽吳趨誇粉黛  
越產購珠犀富業連橙圃菑霖潰稻畦占歸仍浩渺結  
客重酸嘶彼此身如寄參商夢欲迷蓬飛甘埽執桂落  
得通閨俠眼收丹電仙襟化素霓貧期金埒騁賤許玉  
階躋病矣長憂痼閒哉敢恨睽撈除須爾鑷磨刮更予  
篋本欲晞王貢茲猶慕阮嵇猖狂疏奏牘軟弱謝畊犁  
習靜求神悟超羣畏俗擠清琴桑有鯉鉅弩蹠非龔教  
駕傳銜轡觀隅識椽杓耒芝薰受謫抱璞踰聞啼性命  
御選元詩

卷六

吳棻

大

緣窮鬼功名屬屢奚悠悠鸞與鳳泯泯鹿將麋白谷今  
安駟青霄古執珪母寧枉隱逸辛苦等黔黎

去歲留杭德興傅子建夢得句云鼃鼉滄海賦  
龍馬赤文書間以語予及其鄉人董與幾山空  
歲晚恍然有懷爲續此詩却寄董

觸目懷招隱興歌託遂初俗塵多汨沒天籟幾吹噓晚  
景翻濛汜秋潮洩尾閭祥雲旗鳳鳥瘴雨弩鯨魚灑淚  
鮫人室漂魂建木墟鼃鼉滄海賦龍鳳赤文書上谷空  
豪舉西河久索居蠻琛遺翡翠魯價掩璠璣遠矣鳴髀  
箭悠哉薄笨車影搖青薜荔光璨白芙蕖自昔攻佔畢  
於今載耒耨彈冠身有待鑄研志非虛蘇子縱橫術韓

生內外儲乾坤瞻魏闕日月夢周廬炫燿螭雕珮踟躕  
隼建旗列衣騰朔漠膠棹入黃淤趙女絃鴻鵠奚兒駕  
駟驢詞林應聘汝俠窟肯愁予結騎幽并窄掄交楚越  
疎奇功生鼎鼐猛氣死蓬蔕藥物金鷲採兵鈴赤鯉漁  
中條分雍豫四序出堪輿小榻琴心展長纓劒膽舒按  
圖稽獬廡觴酒笑鷄鷓野屐偏求蠟山中尚著練貧猶  
思祿士老不廢耕畝卓犖才終用猖狂習未除文章同  
一默歲月或三餘策竹登元圃然藜問石渠定須追樂  
毅端爲謝曹蜍

寄張子長

世豈無推挽人誰有典刑稍懷南國彥恒媿北山靈萬

御選元詩

卷六十一

吳棊

九

里麻衣敝千年竹簡青義文先索象魯頌或歌駟杞梓  
儒林挺魚龍俠窟鯉塵埃完結綠粉黛飾娉婷脫略蘇  
張弇漸摩管樂矧道塗餘雪屨巖穴但雲扃本擬陳三  
策吁嗟守一經跡卑淪燕雀蹤遠及猱狉種菊行荒援  
看松俯絕陁仙棋閒度日旅劒懶占星故里青桐巷雙  
溪白鷺汀交游多握手歲月此忘形志氣需來哲才華  
壓妙齡秦坑收未燼漢粕浸奇馨正氣陳籩豆專門識  
鼎錙犇騰鞭用駮袒裼割分腥卓立撐喬嶽孤流混濁  
涇鵲飛持或布鯨吼扣非莛別袂逢秋怯鄰燈入夜熒  
沈沈猶在野憲憲欲揚廷舜殿瞻儀鳳堯階數曆莫莫  
均文錦蓐獸闈紫金釘列徽環霄漢游車發震霆紬書

官命史吹律樂求伶迅奮君須競棲遲我未寧  
簷風歌警枕井兩泣羸瓶古陌垂楊柳空山老茯苓只今馳尺  
楮何所問南溟

寄柳博士

試續儒林傳南州定幾人清標騰鳳翼素手截鯨鱗卓  
犖初觀國軒騰早致身燕秦爭騁俠鄒魯共稱醇旅劒  
渾如淬家璫在一振於焉徵有道自此教成均學術諸  
生識才名六館親土牀然燭夜昔帳結餐晨上下笙鏞  
間縱橫俎豆陳岐原周鼓老闕里魏碑真白日需前席  
青雲仰後塵山林稽猛駁文字到祥麟豈獨呻佔畢猶  
應逐縉紳討論抽祕典扈從得良臣絕漠幽州暗滄波  
御選元詩

卷五

吳萊

吳師道

三

碣石鄰鸞旗飛旖旎革輅壓輪囷御苑才官集離宮突  
騎巡赤狐翻遠譯黃鼠割時珍法酒葡萄熟天花芍藥  
春遡風沙鶻健衝雪野駝馴北海誰求隱東都或對賓  
三關寧設險八極總歸仁悵望懷今古賡歌邁等倫短  
衣曾見寵長鈇每忘貧共往仍聯駟同吟更接茵玉山  
森巨石金水濯芳津本擬追枚乘終然愧卻詵鹿鳴來  
已再鵬擊去何因色挺淮王桂香生楚客躋聖朝初薦  
士江漢有垂綸

吳師道

次韻王繼學參政胡古魚編修翦燈詩

剡渚推冰紙并州翦水刀輕明新雅製麗巧極纖毫不

讓琉璃貴渾疑錦繡韜皺紋縈細縠墨縷引長縹花草  
形相錯鷓鴣鸞勢欲翱騰光宜秉炬透色賤塗膏愛著詩  
聯綴嫵逢騎驛騷香風翻玉帶華月湧雲濤良夕娛佳  
賞元臣念小勞都人應共樂歌舞送春醪

觀南陽高武宣王誥詞其子渾璞治書徵賦

曆數歸真主英雄起壯年挺身辭汝蔡仗劍走幽燕武  
略紛誰敵神鋒奮獨先攻城蒙矢石拓地攬山川淮甸  
威如埽蠻方命已懸長驅越東角直擣海南邊名冠三  
軍帥功開半壁天至仁惟不殺偉績更無前鐵馬戈鋌  
息貂蟬佩服鮮曹公創尚在鄂國志逾堅星隕悲蒼漢  
山崇想故阡分祠徧南紀遺像儼凌煙疏傳曾開國承  
御選元詩

卷六

吳師道

五

家復象賢繡衣躬入奏丹陛詔仍宣聖代昭恩數王封  
衍土田風雲攄壯氣日月漏重泉制闢奚斯廟光增太  
史編哀榮千載少忠孝一家全奕奕丹青繪綿綿帶礪  
傳桐鄉修秩祀願薦侑神篇

分題蕃宣樓送山僉憲之閩

大府開閩土危樓鎮海涯飛雲浮畫棟麗日照高牙昔  
駐蕃侯馬今迎使者車三山歸指顧萬井仰光華縹緲  
臨城處逍遙散吏衙榕陰千樹翠荔子半空霞嶺嶠俱  
清謐賓僚亦靜嘉宣風問民俗作屏扞皇家去去青冥  
樾依依紫禁花登高應有賦留待碧窗紗

次韻許可用參政從幸承天護聖寺是日陞左

丞

西北羣山迴盤護帝鄉玉泉流海闊金刹倚雲翔四  
月龍舟邁千官馬首驤落花縈劍佩高柳拂帆檣采女  
遙分隊材官近綴行和聲宣鼓籥珍獻集梯航天雨清  
初霧湖波靜不揚瓦光浮璀璨鈴語振鏘鏘梵唄雷音  
偈醍醐雪色漿玉林敷御座翠殿散天香內宴肴初秩  
仙韶樂更張騶虞游近野黃鵠下回塘馳道風隨輦行  
官月轉廂應同游上苑何似幸雲陽心共斯民樂謨咨  
上相良傳宣升列輔稽首荅休光勲業期千載精神萃  
一堂序調堯曆象澤浹舜要荒盛事傳新句迂儒乏寸  
長願將歸美意絃誦播修廊

御選元詩

卷六十一

吳師道

歐陽元

宋聚

三

歐陽元

贈經筵官酒次蘇伯修韻

鰲極天初補娥池月已修鮮飈生廣厦清旭映垂旒玉  
漏聰無壅重瞳視不流凝神思燕翼虛已納鴻猷章撤  
金爐炝筵收玉笋浮甘泉歸步遠太液便程優鸚鵡棲  
宮樹鳩鵲避客舟商耆茂漢幣瀛俊膳唐羞名輩應相  
語明時豈易酬徘徊西掖晚鴈影度延秋

宋聚

馬伯庸淮南別業號石田山房指韻求詩仍依

次用

官曲愚公谷縈旋戴氏池人從西掖召文任北山移畦

稻收新粒巖花豔故枝地因人愈勝心共景相宜戶畫  
孫常閉園春董不窺紛華忘世變衷素付天知暗篠藏  
仙客喬林叫竊脂淮流紆大帶楚岫作修眉輞水堪摩  
詰樊川稱牧之山房空蕙帳猿鳥望歸期

盧疎齋趙平遠小像

盛德不孤世鉅邦尊二賢盧翁官察訪趙使職旬宣契  
分元偕白襟期甫暨虔柏森松競秀珪瑩壁相聯高誼  
雲霄外清標几杖邊句投時絡繹杯算日纏綿宵侯丹  
砂竈秋鳴綠綺絃岳躋同謝妓湘泛共膺船釀酒矜方  
妙裁衣鬪品全敖嬉驅騷裏笑詠撫嬋娟密邇通家好  
留連對榻眠閉關常習靜揮麈或談元間潔山中相脩  
御選元詩

卷三

宋鑿 王士熙

三

搖地上仙儀刑人倏逝丰度世爭憐肖貌開光霽垂名  
著簡編精神棲落月思致薄凌煙豈直江潭重應齊宇  
宙傳長沙多勝境並祀待他年

王士熙

和馬伯庸寄袁學士

白雪賡歌少朱絃詠歎長天池鷗獨運霧谷豹深藏舊  
地收華戟新田買石房閒情齊綺皓時論佇班揚瑚璉  
登周廟宗彝畫舜裳西昆分灝氣南斗避寒芒六月灤  
陽扇三秋鏡水航彈琴無俗曲辟穀有仙方玉海羞麟  
脯金莖饋露漿書空忘咄咄文陣擁堂堂翰府聯芳遠  
樞庭奕葉光名山留史策烏國售詩章節擬芝田鶴音

諧律管鳳寫經酬道士立塔禮空王藉草連裾碧分鱗  
注酒黃竹牀吟几小紗幘鬚絲涼離別三生夢歸依一  
瓣香升堂乖筴語在野媿才良雲擁鄞山雨潮生定海  
洋何時宣室召四馬驟康莊

虞祕監山林小像

棧閣通秦鳳蓬山壓海鼇石泉當壑圻琪樹出雲高夜  
月青筇杖秋風白道袍長吟趨谷口獨往下亭臯偃蹇  
三峰卧逍遙八表遨竹深時宿鶴溪淺不容舸經席天  
顏喜邨居世網逃神全勞畫史才美擅時髦憩迹惟松  
檖充飢有澗毛滄浪誰唱曲華屋意蕭騷

省中書事

御選元詩

卷空

王士熙

五

玉京長夏裏畫省五雲邊終日身無事清時職是仙縹  
窳分馬乳銀葉薦龍涎細草煙籠扇垂楊雪妒絲客懷  
天外鶴農事雨餘田染翰逢歌扇揮金向酒船鼇峰孤  
絕處閒坐似當年

御選元詩卷第六十一

御選元詩卷第六十二目錄

五言長律三

王思誠三首

楊丹一首

班惟志一首

陳樵一首

丁復一首

王璋一首

汪銖一首

薩都刺一首

葛邏祿迺賢二首

御選元詩

卷六十二

目錄

陳旅五首

傅若金十首

雅琥一首

李裕一首

劉汶一首

王明嗣一首

宋无九首

張翔一首

趙鼎一首

王守誠一首

蘇天爵一首

張翥五首

成廷珪二首

李孝光二首

御選元詩

卷全

目錄

二

御選元詩卷第六十二

五言長律三

王思誠

賦得雲夢澤送宋顯夫僉事之山南

兩儀開混沌二澤積泓渟匯溢巴丘腹陂泂楚地形龍  
蛇蟠窟宅鮫蜃駕空冥餘潤蒸巫峽層波接洞庭汀花  
迎日白岸草際天青使節光卿月仙槎泛客星扣舷歌  
楚些鼓瑟舞湘靈憂世嬰多病傷懷憶獨醒清風吹碧  
渚明月漾滄溟迢遞山南道乘驄舊所經

再拾前篇餘韻

龍洞朝雲薄牛山暮靄冥一天風浙浙千里雨泠泠幽

御選元詩

卷六十二

王思誠

一

壑濤飛箭虛簷溜建瓴空中無走雷地底不轟霆紅濕  
千株杏青滋五葉冥汗潮蒼石礎澤潤碧窗櫺牆外迷  
樓觀橋邊失渭涇隔巢鳩谷谷在野馬駒駒年稔逢人  
說懽聲到處聽故鄉歸未得客枕夢初醒返哺慙烏鳥  
傷懷憶鵲鴝沁園春欲暮且醉酒雙瓶

中條山

崛起巨河邊奔騰欲上天遠臨滄海盡高與太行連大  
塊橫爲脊他山立似拳土膏繼舜耒石險任秦鞭洞黑  
狂吹雨峰青冷罩煙店荒檀道絕寺古柏梯懸淹漏微  
茫雪巖垂浙瀝泉迸根通砥柱斜徑入閒田北笑恒藏  
寶西輕華聳蓮三門遙托跡五老迴差肩落實樵夫指

靈苗本草傳柱空擎鴈塔倒影蓋魚船繪畫終無手封  
崇必有年鹽池浮翠靄蓮澤媚漪漣陰壑乖龍蟄枯松  
凍虺穿圖經標數郡神異產羣賢呼壽萬何諂升中岱  
豈專斯文如已矣此地可終焉暫看猶驅病頻登合得  
仙許昌休自負吾什亦銘鐫

楊丹

偕王天祥登瓊雲山

瓊山高不極佳樹鬱相臨虎跡層巖上龍吟古徑陰琳  
宮溪溜繞仙陞石臺侵結構何迢遞窺觀極廣深庭參  
新舞鶴鐘送暝歸禽木圃風便細芝田雨忌淫優游仙  
境日瀟灑昔人心采藥衝芳霧吹笙過茂林兩君俱俊  
御選元詩

卷六

楊丹

班惟志

二

彥並馬陟欽崙賤子陪冲賞空齋接誨音隨行溪百折  
眇迴嚙千尋暑少慵揮扇斟餘足解襟興深思返駕意  
遠欲鳴琴安得遺軒冕從茲訪一岑

班惟志

送述律元帥開闡分題得越嵩

郡初名越嵩漢昔撫首豪宿溜巖爲室炎蒸地不毛射  
生餐血肉淫祀灑腥醪奮臂搗銅鼓吹脣舞洞刀溪山  
防虺蜮藤樹嘯狻猊異狀纏綿角嘲謳變楚騷自憐無  
統御推長治逋逃霧起鄰讐殺詞連牧過饗弘恩惟在  
格薄伐忍言廛公極兜整選門兼閱閱高建侯嫌詭道  
投策塞深壕陣密嚴三令機深備六韜警烽隳土壘妖

宿隕天牢雲慘回盤鶻潭移失斷鼇降幡迎露布奏凱  
卷歸旄壯節雖能効清朝亦幸遭宣麻重鎮過開閩賞  
勲勞符煥文犀帶香熏錦獸袍我慚沾益友祖送盡時  
髦岸暖泥抽草冰消水沒篙旗亭折楊柳篋琖酌葡萄  
糾糾干城虎馴馴守圉獒先聲馳部曲遺惠忤童曹耀  
武時長獵巡邊可遠遼沙乾騏驥足劒瑩鸛鷓膏落雉  
穿金鏃飛鷹掣繡絳宴閒陪士樂罰信絕羣噉吹月橫  
柯竹簪花列倩桃服威全學亮好詠喜賡陶親上平夷  
頌曾髡草檄毫懷柔安鞠育寒餓免啼號職貢來方物  
江郵就戰舫策良無妄撓戈偃肯輕操鳴鶴林思野聞  
天等在臯待書良將傳未盡片言褒

御選元詩

卷六

班惟志

陳樵

三

陳樵

送烏經歷歸二十韻

大府羅賓彥修門得俊賢明時優外任密畫制中權曉  
日卿雲麗高秋白月懸千尋看壁立百鍊識金堅殷浩  
名無忝崔羣美可專緋袍臨僻壤華髮憶流年山揖金  
華秀城當婺女躔民風仍皞皞王道故平平元暢塵躡  
外芙蓉爽氣邊憲臺依翠柏幕府擁紅蓮法謹持三尺  
書應受一編公言歸可否德意賴承宣歛郡推夷直河  
陽贊巨川可能羞噲伍豈復媿盧前淵媚珠含彩林輝  
玉吐煙豫籌纔婉婉歸思忽翩翩趨拜麒麟殿違離玳  
瑁筵幾時嗟蠖屈後日看鶯遷空遺參軍紙曾辭太守

錢雙溪清若許明月送歸船

丁復

次夏允中禁體雪詩六十韻

衾夜生孤擁樓更死屢搗墨雲常黯黖絲雨先鬢半  
醒身何所全迷意罔涯露眠當莽蒼風泊在蒹葭乍起  
平行地訛聽亂撒沙羣愁搖始覺衆怪語仍譁慢卷爭  
成片裳霑祇見些尺深良可待寸測即頻差熾炭肌還  
粟張燈眼暈花闌明和月澹學舞逐風斜在臘時能應  
祈年歲必嘉競投牕內隙密糝砌旁窪尾亞攢槍竹肪  
分破刃瓜恍疑行朔幕只訝失胡笳賸有開嬰貯渾無  
樹屏遮廊飄黏畫翠庖炊泣炊輟靜凝檐頭髓清垂瓦  
御選元詩

卷五

丁復

四

口牙迴溝填小曲側蒼積微衰夕氣干牛斗豐城瘞鏐  
鉚暖融團腐草晴綴嵌空槎易化行人路偏多隱者家  
池心堅暮日山脊晁晨霞馬齒沈虛屐羊腸阻峻車荒  
藜喧餓雀垂蔓抱僵蛇縮頸牛如蝟拳毛馬盡驅自須  
明潔淨誰敢訾疵瑕公子添重錦夫人儼副珈聚羣沙  
簇鴈作隊野屯鴉鬢縷搔驚似鬚珠貫暫呀淵宮裁斷  
織閨服帽初髻晉女吟稱謝唐人賦憶又大田將有穀  
沃壤早宜麻久睨俚牆色寧論在上芽舞娥臨月桂才  
士縱天葩朽壓傷頽架長支惜偃色梅封新蓓蕾薪爨  
濕叔柯京洛多豪富長安有狹邪埽開交擁篲戲聚互  
推爬帶互張魚笱凌晨沒兔且卧來窮就捉跳出捷從

叔乾食何煎迫萍壘漫咄嗟跣趨哀蹶躅志肆笑矜夸  
數戰肩逾竦頻訶指更接脣呼吟蟋蟀足跌伏蝦蟇嬾  
出從嘲鼈甘貧任處蝸市春窮也糶鄰酷薄猶賒

王璋

送傅擴齋廉訪秩滿歸長安

南國皇華使東維列宿光選掄應近侍歎歷且殊方地  
鎮江陵重天連蜀道長班荆非客宦負弩盛朝章問俗  
魚鳧國傳杯杞梓堂舞看渝水曲歌倩竹枝娘叔子心  
期遠文翁政術良巡巡持漢節處處即桐鄉瑶曆更新  
號崇臺整舊綱五驄鳴宛水軒鶴憩陵陽落筆霜威重  
隨車雨氣涼澤中集鴻鴈道上屏豺狼舉錯消羣枉封  
御選元詩

卷六

王璋 汪銖

五

培惜衆芳春回魯宮藻詩咏召公棠有客棲南郭無人  
薦蜀莊分庭寬禮數退食問行藏古道今安有深心矢  
不忘方欣爲李御旋報促曹裝送客聽雞唱征帆拂鴈  
行楚江楓葉赤陶宅菊花黃未識長安第還分漢署香  
他年懷舊德悵望繡衣裳

汪銖

水西山中

五峰聯氣脈一徑入煙霞晴井蒸陰雨旱渠流落花山  
依東晉廟溪對古官衙門障延青海灘流湧白沙虎羊  
列蟠踞翁仲半敲斜劒履扃幽室衣冠憶故家經鐘朝  
聽擊齋鼓晝聞撾竊火猿燒笋淘泉僧煮茶暖蕉翻貝

葉朝樹曬袈裟石竇秋澆薤巖池夏漚麻山居元寂靜  
塵徑自紛華此意高人解移居未有涯

薩都刺

題進士索士巖詩卷士巖與余同榜又同爲燕  
南官由翰林編修爲御史臺掾兼經筵檢討除  
爲燕南廉訪經歷

憶昔登天府文華萃帝鄉俊才魚貫列多士鴈成行寶  
劍懸秋水驪珠耿夜光三場如拾芥一箭已穿楊上策  
師周孔蜚聲陋漢唐鳳池開御宴虎榜出官牆賜笏丘  
山重恩袍雨露香天花皆翦翠法酒盡封黃冠蓋遊三  
日聲名滿四方歷階超宰輔捧表謝君王第甲分三館

御選元詩

卷十一

薩都刺

六

鐫碑立上庠曲江嘉宴會合席盡才良契誼同昆弟比  
和鼓瑟簧誓辭猶在耳離思各驚腸臺閣需材器儒林  
作棟梁趨遷烏府掾輝映繡衣郎迫晏封幾事平明出  
奏章日披墳典舊時念簿書忙檢討超經幄論思近御  
牀聖朝稽古道日暮下迴廊羈旅然薪桂長吟出錦坊  
弱妻貧且病羸馬瘦仍僵窮巷迴車轍空廚泛酒漿故  
人傳奏目請便趣行裝皇極三臺重燕南各道昌承恩  
辭魏闕攬轡去恒陽曉暮芙蓉露秋空柏樹霜諸司循  
直矢羣吏肅宏綱漢水浮神馬岐山出鳳凰行須冠獬  
廌已見走豺狼慚媿蓬蒿翼乘風亦下翔

葛邏祿迺賢

益清堂 并序

聞海憲使合魯桓穆公歸休嵩山之下鑿池引流  
列植卉木扁其燕處之堂曰愛蓮公沒堂池逮廢  
其孫國子生張閭伯高謙恭好學思繼先志乃復  
增葺而新之國子先生陳伯敷易其名曰益清伯  
高謂余曰與君世寓南陽且支裔聯屬不可無作  
因賦律詩十有四韻以復其命云

嵩嶽雲峰近高居水竹幽築堂依別墅  
螯石帶芳溝翠苻含風弱紅蕖著雨柔  
菱歌花外發蘭漿月中遊卷幔紅雲亂  
開尊碧露浮使君曾弭節持斧照南州  
綠野池臺晚平泉草樹秋吾宗多秀發  
公子獨清修屢接何蕃御選元詩  
卷十一 葛邕祿通賢  
七

武長懷賈誼憂拾螢供夜讀走馬散春愁  
朋友頻相遇琴觴每唱酬籍通青瑣貴  
文擅省闈優歸思勞清夢高情憶故丘  
卜鄰端有約歲晚共綢繆

羅稚川山水十韻爲甬東應可立題

平生丘壑趣偶向畫中傳雨氣千峰外  
江流落日邊蘼蕪青滿渚芳樹綠參天  
渺渺溪雲淨洎洎石溜懸崖巔何處閣  
谷口小家煙漁唱來秋浦僧鐘落夜船  
瞥驚飛鳥過疑有螫龍眠竹徑能留客  
桃源竟得仙丹青誇絕代賦咏藉名賢  
千古滄洲意含情憶稚川

陳旅

次韻陳景忠見寄

用世已無伎高人方據梧詞林忝供奉客舍候徵呼拓  
落需微祿騫騰失壯圖爲文下枚孺力穡後孫愉春草  
生湖曲暮雲飛屋隅論交尊有螳憶別履非鳧擬泛鴟  
夷舸重遊泰伯都山泉齟雪乳石荈淪瓊酥作鱠溪庖  
近聽猿野磴紆松風吹綠鬢花雨落紅綸佳什勤相贈  
幽期媿獨踰煩君語宗長爲我謝寅夫

陪趙公子遊蔣山即席次李五峰韻

弭權丹陽郭鳴鞭白下山晴原煙翳翳幽樹鳥關關石  
液玻瓈碧雲根瑪瑙殷佛巖開細菊僧逕入叢菅雨洗  
川容淨潮隨野色還六朝有遺事盡在夕陽間

次韻許左丞從車駕遊承天護聖寺是日由參

御選元詩

卷六十一

陳旌

八

政陞左丞

銀甕呈山麓地名鑿輿際水鄉離宮疑馭娑行殿仿飛翔  
細浪魚鱗襲輕颺鷁首驤扶桑明遠岸析木度高檣屏  
翳時清蹕豐隆夙啓行衛兵環越棘舞女蹋吳航漸覺  
仙樓近微聞梵鐸揚石壇登案衍瓊佩雜璆鏘夕渚休  
蘭權春壺瀉桂漿伊蒲頌內供簷蔔散林香罷宴蛻旌  
動開帆獸錦張弄田低碧樹馳道出金塘畿甸嚴車輔  
臣鄰重室廂方欣麟在極復喜鳳鳴陽聖主需賢急嘉  
猷賴弼良從容承顧問烏奕拜恩光文采堪華國芳菲  
正滿堂協忠成泰治流澤遍遐荒援古言應切匡時慮  
更長誰哉疲土木況乃象爲廊

南山詩

山在龍虎山南張宗師藏劍舄之地曰丹丘有小有洞門  
玉津澗月橋天鑑池金砂井躍泉漱雲亭山雲閣丹桂鴨

桃花  
源云

江左羣山圍仙丘倚太霞上清分亢爽南谷抱谿窅  
觀黃瓊宅林巒赤虎家天池開寶鑑日井射金砂桂  
實秋巖粟桃烘曉岸葩泉香通美竹雲液漱靈芽俯澗松  
偏潤綠崖徑自斜幽亭宜水繞晴閣受嵐遮神舄丹  
局祕元關紫氣賒石橋留月色銀浦渺皇華願解延陵劍  
終乘博望槎臨風一解后食我棗如瓜

送葉天根南還

我識天根子於今二十年吹簫來翠嶺鼓枻入丹淵日  
出扶桑底雲生建木巔人間方夜半海上得春先老我  
御選元詩

卷五

陳旅 傅若金

九

江湖迴微官歲月遷荒泉流竹里冷雨浸芝田髮短何  
爲者君歸重惘然飛霞浮夕景定在石林邊

傅若金

壽陳景讓都事四十韻

種德由來遠流芳信有苗名門多令器夫子最高標地  
迴瞻崧岳天清見斗杓聲名從結髮問學自垂髫江漢  
棲遲久林亭興致饒紫蘭敷月露蒼竹倚風颺畫艇移  
書放秋燈把劍挑微名寧屑屑高志獨囂囂五氣乘昌  
運羣英集聖朝武功收赫怒文治付宣昭曆數初歌禹  
聰明已贊堯求賢多晏食夢帝起中宵石室仍高隱中  
臺歛見招賜書縣日月乘傳出雲霄議論紆三顧榮光

動百僚入宮催護壘趨府聽鳴鑣郊社陳周禮神人協  
舜韶出關春衣繡分陝夜乘輶獬觸心彌壯豺吞膽共  
銷封章猶懇切歸思遽飄飄袞職江湖隔鋒車道路遙  
凝旒思穆穆行李發蕭蕭典祀尊原廟承釐洽大寥步  
依文石進香近黼裳飄白日明驄馬清霜急阜鷗帝裾  
遮道引諫草避人燒佐省持三尺繩民究八條兵曹多  
暇豫卽位益崇超所向才華冠何曾意氣驕臺評推妙  
畫士望慰深翹引拔連茅茹芬芳雜桂椒銀章看且佩  
金鼎竟須調小草方慚出浮萍久恨漂文章殊豹隱篆  
刻近蟲雕徐穉矜縣榻蘇秦惜敝貂敢期充砥礪猶幸  
致芻蕘黃鵠追高舉青松託後凋火行占孟月星聚識  
御選元詩

卷三

傳若金

十

喬

送孔惟中再謁祖林

吾郡稱文物君家續聖賢尼山縣日月野樹隔雲煙追  
遠逢昭代游方及盛年北通三仲譜南下九江船鴈起  
垂綸外鷗飛解纜前水涼聞雨坐沙暝望星眠岱岳遙  
臨海河流遠自天路詢洙泗境人指鄆謹田日觀朝輝  
接風雲暮色連闕宮俱寂寂闕里獨綿綿翠合知林墓  
翬飛識廟壘趨庭槐氣潤拜下柏陰圓科斗殘書帙旋  
蟲壞樂縣圖稽始祖出世別小宗傳遠近論昭穆尊卑  
齒後先杖栽楷木淨冠截檜皮堅舊俗聞詩禮遺儀見

豆籩玉傾當別酒珠寫贈行篇古道嗟環轍長塗勸著  
鞭京師同逆旅瀛海限飛仙賦或君王問貧應故舊憐  
苦吟冰合硯危坐雪侵羶魚目從人貴蛾眉祇自妍猶  
懷薛氏劍未絕伯牙絃卒業思歸魯離羣遽發燕霜蹄  
終奮迅風翼颯迴旋文憶來時把詩要去日聯綠蕪羈  
思滿青柳別愁牽爲客慚烏鳥因君感杜鵑兗城多驛  
使頻寄彩雲箋

寄題番陽周子震金潭山居

大氣生旁薄元功接杳冥江開吳楚白山直斗牛青玉  
牒呈天祕金潭泄地靈百盤工取勢千疊互殊形石吐  
高低筍峰羅大小屏忽如森隊仗復似倚娉婷六六移

御選元詩

卷六十一

傅若金

十一

諸洞三三映列星靜宜營道室幽或下仙輶客有依文  
物兒皆尚典刑卜藏思買宅佩訓謹趨庭娛老心能遠  
登高步每停艱難成宿志窵窵慰千齡雨潦供漂木神  
祇助薦牲史留徐穉傳碑勒蔡邕銘碧水通銀漢蒼霞  
護石肩暝迷中谷路晴見隔溪亭鳳穴含飛旭龍湫蓄  
震霆倚廬浮晷靄行徑俯清泠鸞鶴軒羣岫龜蛇汎遠  
汀陰陽皆抱負存沒總安寧種竹期成實栽松擬伏苓  
久居鄰吠息清誦野猿聽夜燭吹藜杖歌饗啜土劔馬  
卿能作賦韋氏舊傳經伯仲翔鵬鷄東西念鶴鴿辟雍  
初識面京國共漂萍磊落珠藏積光芒刃發硎即看培  
遠業誰得限修翎何日過彭蠡從君醉醪醕遂求靈運

屐一往眺林垆

送孔學文之湘鄉州判

郡邑頻騷動朝廷失撫綏君繇先聖出政學古人爲北  
極迴旋裏東門祖餞時家從天上挈官自日邊移雪樹  
違燕市風帆掠楚祠大江開浩蕩靈岳見參差候吏迎  
皆喜州人到恐遲苔虛蔣琬宅竹淨褚公池閒暇應攜  
酒登臨得賦詩此邦稱富庶今代益蕃滋地氣湘潭會  
天文翼軫垂山川曾屢涉風土向來知秔稻金纏穗松  
杉翠壓枝魚肥春雨窟牛滿夕陽陂禹貢連三澁虞巡  
接九疑至仁終遠被淳俗未全漓豹隱多文采鴻飛足  
羽儀五兵間警邏千耦樂耘耔聽訟寧求異觀風政在  
御選元詩

卷三

傅若金

三

茲治成聽舉最萬里慰衷思

送蘇伯修侍郎分部扈蹕

扈聖千官出分曹六職俱侍郎精古學議禮應時須車  
蓋連諸郡衣冠接兩都句陳嚴內拱屏翳肅前驅灤水  
開宮殿龍門起畫圖仗依雲氣肅人望日華趨馬酒來  
官道駢羹出御廚露疑金作掌冰想玉爲壺地絕分寒  
燠天清習曉晡會朝常咫尺奏對祇須臾舊俗懷周雅  
今賢誦禹謨愛君期得道憂國况爲儒久客嗟牢落諸  
公念樸愚路經南粵險心戴北辰孤汲引勞脩緘吹噓  
倚大爐臨風思何限相送獨勤渠

送楊翼之還清江

同郡晚相得還家君獨先艱難萬感集離別衆愁牽盜賊凶荒後干戈餉餽前故園思縮地行路歎登天郡國方收馬江湖總稅船遂嫌居鬱鬱竟作去翩翩芝嶺寧忘世桃源似欲仙游鯤輕萬里歸鶴畢千年已謝蘇秦印無論祖逖鞭道瞻匡阜兩山背薊門煙遠色芙蓉浦濃香穰稷田藏書猶有壁坐客豈無壇我亦懷三釜誰能乞一錢將書不敢寄多是斷腸篇

奉送達兼善御史赴河南憲僉十二韻

聖治尊儒術賢才翼帝躬立朝防觸虜行路避乘驄復道河南去先愁冀北空激揚元自任出處豈謀同地絕看持節天長惜轉蓬繡衣今日把尺素幾時通別酒花御選元詩

卷三

傅若金

三

登岳陽樓

馳傳自青天憑高憶往年闌干映水迴埤堦與雲連江合沅湘大山侵楚蜀偏蜃郎通別井龍女宅重淵日月鴻濛裏風沙浩蕩前驪珠秋後冷犀火夜深燃張樂猶疑奏乘槎欲並仙登臨停去騎寵餞惜離筵地氣南交接天文北極縣賦慚王粲作詩擬杜陵傳渺渺衡陽鴈迢迢浪泊鳶早春回漢節應得泛湖船

奉和蘇教授經八月二十九日明仁殿進講勅賜

酒饌許乘舟汎太液池趨西苑之作

聖明思善述耆舊倚交修虎豹開閭闔山龍照冕旒日  
臨丹展動雲拂翠華流獻納稽前古都俞協大猷几筵  
花氣合圖史竹光浮當寧經綸遠尊賢禮數優內廚深  
出饌西苑近迴舟禁巒由來貴溪毛庶可羞遙勤三顧  
問各奉萬年酬牢落南州客相望奈九秋

送廬陵范會宗入京省兄朝宗

大范留京國齋居接棟梁端門通籍晚望苑曳裾長遠  
客逢難弟諸公比季方題詩晴望岳載酒夜浮湘萬里  
懷燕市三年厭楚鄉旅游成獨往兄在慰相望馬酒宜  
風土狐裘耐雪霜况聞周選舉不廢漢賢良紫電依龍  
御選元詩

卷十一

傅若金 雅琥

十四

種青霄屬鴈行故人多在北應念獨南翔

雅琥

上執政四十韻

聖主飛龍日求賢似拾珍典謨皆故老登用必元臣日  
月當黃道風雲擁紫宸華封歸帝力壽域囿吾民旭旭  
時將旦熙熙物自春唐虞風未遠鄒魯俗還淳往者三  
靈墜扶持賴有人斬鯨清海沸鍊石補天堯工鯨趨刑  
辟臯夔起隱淪明公辭政久首詔趣裝頻渴慰蒼生望  
飢憐赤子貧朝陽先覩鳳春籟正書麟總代天成化俱  
爲政入神五朝居輔弼三世掌經綸皇眷恩波闊元功  
德澤均房謀兼杜斷蕭律繼曹遵曆法義經祕書文頡

篆新山河由秉筆社稷在垂紳衆水宗南渤諸星拱北  
辰濟爲舟楫重任託股肱親玉燭調元氣金樞運大鈞  
都俞聞密贊諫論喜重陳聲教流沙外謳歌碣石濱烏  
臺分繡斧鳳詔繼華茵練達時無匹公忠世絕倫棟梁  
支大厦柱石表重闈天下皆桃李人間靜棘榛中台方  
正席東閣又延賓有客懷吾道無媒致此身窮經甘寂  
莫抱拙忍酸辛虎榜叨前列鴛塢接後塵卽潛嗟咄咄  
吏隱歎逡逡十口長爲旅三年屢卜鄰稻梁猶不足抱  
負豈能伸養母留甘旨居官守誨諄正言期董賈枉道  
恥儀秦草芥難終棄芻蕘尚可詢修塗多駿足馭轍有  
潛鱗未遂風雲信猶霑雨露仁天瓢能一滴尺尺是通  
津

御選元詩

卷之二

雅號

李裕

劉汶

五

李裕

奉和王治書紙燈韻

香蠟凝脂薄金刀逐意妍輕清籠絳蠟晃漾映羅箋巧  
異雲藍瑩光同燭火然好花迎宿靄初旭眩晴煙製陋  
秦宮炬工慙漢綺蓮映空珠網密照夜綠璣圓燄轉虹  
垂浦輝分宿麗躔薄能欺霧縠暝欲暈冰筵春淨波如  
蹙雲輕雨未懸東風愁剪剪華屋鎖神仙

劉汶

言志敘交四十韻荅歐陽元翁

袞袞滄江去茫茫暗谷移黑頭那敢恃華髮會相欺遂

起紛如歎能忘逝者悲著書誰發憤追古獨忘疲講授  
嘗咕嗶研窮幾下帷羣經元奧妙百氏苦支離索隱妨  
修業談經失秉彛反身惟一理遵道豈多岐新意方來  
際陳言盡去時夏蟲冰莫訝越犬雪休疑浮世春榮過  
幽園夕秀遲後凋終有待直養可容虧向使常汜混寧  
逃具眼嗤投閒欣事省埽跡畏人知環堵差堪戀長沙  
去若爲趨庭因泮藻贈容且江離回顧皋比冷還思寶  
玦遺羈愁生兩外鄉夢落天涯每慨淵明菊將尋綺季  
芝未諧萊氏隱頻念鹿門期友誼今逾薄儒流子尚奇  
剛腸俱比石末俗竟如脂綴曲唯同病論詩固解頤率  
更仍翰墨六一再文辭解接家聲遠兼扶士氣衰墳篋

御選元詩

卷之二

劉汶

王明嗣

六

參雅奏椿桂亞高枝正始音能續元和脚肯隨渾雄親  
漢魏綺靡却陳隋浪許鯤魚舞雲看駿馬馳駑駘差抗  
臆鱗鱗愧揚鬢不盡沙金揀猶煩璞玉治受辛驚絕倡  
勝已辱先施歐冶加鋒鏑劉牆力墜茨吾儕非敢傲兒  
輩自宜麾學要千年蘊名須萬古垂匪徒攀屈宋深望  
沂濂伊天運流無息人生志勿卑操憐松鬱鬱節撫竹  
猗猗盡擬冷風御何曾俗骨醫煎膠得麟鳳歲晚願深  
資

王明嗣

龍首關

萬里雲南道壯哉龍首關氣吞西河水勢軋點蒼山天

矯盤青秀蜿蜒躍碧潺地靈吁可駭天險邈難攀井絡  
稱雄鎮坤維倚大閑周章無六詔俯仰了羣蠻聖代提  
封闕元戎遴選難度遼推世胄越雋靖神姦虎節先推  
轂犀毘響賜環銘功崖畔石寧羨玉門班

宋元

揚州即事

玉壘開方面金湯控上游連營驃騎宅重柝鴈行樓彊  
弩虛空發飛橋日夜浮煙生烽燧地草死虎狼秋此處  
兵威震當時國步憂六年襄郡守三策蓋臣謀大將深  
圍陷長江萬里休兩淮先按堵孤注獨橫籌破竹纔乘  
勢聞風已置郵乾坤機軸轉海嶽版圖收春變山堂柳  
御選元詩

卷全

王明嗣

宋元

七

蕃釐觀感瓊花

波通汴水鷗平坡南下馬遠渡北來舟無復瓊花夢猶  
餘芍藥愁塵埃何豎子還擁黑貂裘

后土嗣南裔坤維媿室家國封嚴典禮宮祀尚褒嘉不  
是神靈異焉能眷邇遐應須有玉女到此賞瓊葩麗服  
從空降明妝倚日斜同揮五雲扇共駐七香車月姊羞  
調粉風姨罷散花青童迴絳節金母屏彤霞故事唐時  
盛佳名數代誇塵根雖下界天意在中華雪讓瓏璁巧  
冰銷刻鏤瑕人間惟獨爾地上更何加萬籟殊寥落羣  
芳避豔邪玫瑰誠執御芍藥等泥沙聖運俄驚輟兵強  
忽肆拏舛訛難核實眞履遂替牙雷雨還驚蟄潛藏重

發芽旁枝微舊岫新葉謾榮華尤品終蕪沒珍蕤逐水  
涯兩朝成草莽九廟雜龍蛇古殿蘭旗暗殘爐桂燎賒  
薜顏愁想像珠樹絕驕奢寂莫無雙譽徘徊但自嗟入  
仙聊免俗消得寶闌遮

憶舊寄金陵馮壽之

憶昔江東日離居託孟鄰儒家見君好談席偶情親南  
斗文昌近西山爽氣新驪珠驚俗眼瓊樹倚芳晨大雅  
今重覩奇才豈易倫珊瑚生海網汗血出天津句滿雞  
林賈名齊鴈塔人傳經心入聖用筆意凝神射策應先  
手藏環定後身巨流思待濟吾道詘當伸落魄傷遲邁  
依棲笑隱淪三年為倦翼萬里作窮鱗伏枕思霜橘歸  
御選元詩

卷六十一  
宋元

六

溪戀紫萼鴻稀石城信魚隔太湖濱故宅閒多草空船  
獨採蘋夜吟酬蟋蟀暮景歎麒麟老恐襟期斷悲懷轍  
跡陳舊峰還似洛淮水想猶秦勝地登臨數殊鄉夢寐  
頻潮吞李白月花動謝安春有興須相覓無聊謾自呻  
休疑交契闊尚覺膽輪囷遠物那堪贈佳音欲細詢勞  
歌因奉寄題罷更沾巾

詠石得天字

肢脈崑崙析胚渾混沌先靈分元鳥峙秀聚景雲鮮覆  
壓風雷窟枝撐宇宙穿峻嶒敬篠霧歷棘脊蘿煙業業  
棲危壁磷磷過瘦洎雨攻繩眼斷浪擊彈窩圓筆架珊  
瑚豎屏圍瑪瑙偏骨攢獐鬼竦脊凸老蛟跽劍卓空蒼

色矛森紫翠顛醜宜鐫鳥篆剛可利龍泉怪漬潮紋溼  
頑和地軸連篔簹梢映帶薜荔葉縈纏磊砢蛇身縮崩  
崢鳳勢旋蕪侵題字處藤絡倚筇邊碎礫鋪文貝尖鋒  
斫黛蓮竇深膏乳滴鬢潤土花沿儼若峨冠者昂如峻  
士焉磴危欺木屐磯滑怯苔羶移恐嵐光動捫嗔野蔓  
牽衝湍聲類磬磬謝瀑韻成絃硬性辭斤鑿嵌形欠畫傳  
鼓歌傷莫續鼎句歎難聯砥礪誠由著磨礪學及遷畜  
奇希抱璞鍊餌詫飛仙寸勢垂千仞鬼胎結幾年巖輝  
知產玉峽束見奔川織女支機穩山人作枕便墮星沈  
戰域敲火出漁舩異或稱羊化疑應訝虎眠龜埋遺碣  
下麟仆古塋前屹立中流壯平施大礎堅懷沙嗟放逐

御選元詩

卷五

宋元

九

凝魄惜嬋娟德必穹碑記詞當巨硯研險思經濫瀕功  
擬勒燕然蒿岱歸諸掌蓬瀛寄一拳不須填碧海直欲  
補青天

荅無住和太初韻見寄

寶地人來少樾陰自晚晴片雲依石潤孤磬出花清竹  
筧分泉細檀煙上氎輕勒銘留水寺應供宿江城適楚  
濤喧定歸吳雪滯行雨苔黏凍屐廊葉覆閒枰琴為蛇  
紋買書因鳥跡評眼高無佛祖詩癖有山兄句妙唐風  
在心空漢月明晝禪休樹影夜梵雜松聲夏減遊方興  
秋添住岳情何時修白業去結嬾殘盟

送陳行之之信州推官

漢守曾懸榻家聲復世綸贊廉推雅士列郡重嘉賓  
昭代詳刑讞賢僚體聖仁袴襦憐故老狴犴念冤人  
英幹登時望文華異等倫固宜膺寵渥豈但活羅民  
江左名藩舊風流佐幕新平反須有頌剛決看如神  
邾鑿初榮養黃香早締媵錦還鄉已晝綵戲室俄春  
自補尋山履誰親墊雨中拊循恩易洽煦姬俗當淳  
曲動陽關疊尊移祖帳陳未能忘手握何得更情親  
羨爾丹霄貴悲余白髮貧尚期金鼎藥猶客素衣塵  
巖壑將幽賞煙霞欲隱淪交游千古事離別百年身  
楚澤寒多鴈吳波暖見鱗相思不相見音問莫辭頻

寄眠雲處士

御選元詩

卷六

宋元

二

聞說華陽洞人間第八天茅君旌屢降弘景駕常延  
地吐黃金氣潭流碧玉泉神丹光夜發朱草葉春妍  
羽客家相接麟洲派共連山遺秦女藥鋤得漢朝錢  
處士懷貞邈長生契宿緣童顏曾辟穀鶴相合成仙  
嘯傲三峰上披研萬象先囊攢五行物劒握七星權  
石銚青精飯風鑪紫朮煙赤松齊遠躅元俗並遐肩  
九轉功將就雙親念復虔却攜瓊笈轉歸枕白雲眠  
薊子家常歷壺公訣盡傳路回蓬島下杖化葛陂邊  
經案苔侵徧閒枰雨滴穿池留洗瓢水壁挂斷琴絃  
蕙帳猿空怨蘿牕月自懸岳存容悵望澗去意潺湲  
局久碁多變寰清鼎又遷衲衣期異日築室定他年  
季世嗟予晚幽棲志獨堅欲

隨蒲坐具已辨布行纏學道無如此遊方恐未然尚遲  
甘旨奉更被苦恩牽腦慮精難滿心憂影或偏蘚壇情  
願埽茶竈手能煎根究嬰兒後參同混沌前求真不易  
遇師匠早哀憐

荅馬懷秀兄弟見訪

移家連晚歲屏跡值春寒舊業遺松逕幽棲遠杏壇數  
椽容膝易五斗折腰難有客來排闥無人爲整冠諷詩  
稱鮑照卧雪念袁安下里余誰和高山爾自彈迎門屐  
齒折扶病帶圍寬乍喜交時彥相尋到冷官鄰驚都騎  
盛僕出草堂看光價連城壁風流藝苑蘭老嗟傾蓋晚  
貧覺布衣單午竈添茶具煙蓑罷釣竿傳呼聞杜曲榮  
御選元詩

卷五

宋元

三

耀滿江干文雅多歆豔殷勤少接歡長鯨鉤上掣巨闕  
匣中蟠筆力千鈞弩襟懷百丈瀾籍通金馬選詔待紫  
泥乾樂毅曾強趙夷吾遂霸桓貴應聯萬石功定服三  
韓留取刊彝鼎勲名未汝闌

甘露寺放舶至瓜洲風作

天造西來險山迴北固形斷崖纏赤日孤柱擘滄溟此  
地何能限長江或有靈然犀夜照浪飲馬曉吞星鐵鎖  
沈寥廓樓船沒杳冥乾坤一衣帶吳楚兩郵亭擊楫人  
人倦吹笳處處聽海門沙自白瓜步草猶青夢墮浮家  
樂魂遭振柁醒計程秋獵地問舍暮漁汀倏忽波濤變  
息忙網罟停疾颺移蚌室暗雨卷龍庭鼉虜龜鼉壯谿

訝樹石腥危檣連偏仄高岸失玲峴世事無深測生涯  
獨未寧愁煩復消釋題咏記曾經

張翔

杜甫祠

諫署言清切忠君思鬱陶赤膚行翡翠碧海掣鯨鰲詩  
律嚴秦法詞源汲楚騷珠明鳳皇髓玉潤鸚鵡膏駝句  
頭空白謀心計轉勞揚雄慙德薄賈誼累才高抵觸逢  
牛角欒槍起蝟毛盪曾雲夢澤埋骨未陽臯奇數終無  
遇窮途竟不遭秋風悲草樹落日哭猿猴

趙鼎

題手植檜

御選元詩

卷三

張翔

趙鼎

王守誠

三

擢秀真儒宅垂陰數仞牆封培因聖力茂悅得靈長根  
踞龍蛇蟄枝延鸞鶯翔勞功施禹稷蔓草薶韓莊偃蹇  
明堂幹蕭森岱嶽場圍欺漢武柏愛掩名公棠日月成  
塵劫乾坤屢戰場恩仁感樵牧忠厚及牛羊不有神明  
護寧逃剪伐傷歲寒千古色宜並子孫昌

王守誠

送傅與礪廣州教授

京國今多士君詩獨有名才能諸老薦辭命遠人驚陸  
賈慚分橐終軍謝請纓一官何足浼三釜亦堪榮臺閣  
專相待山川暫遠行且令南海上文物變風聲

蘇天爵

送南宮舍人趙子期出使安南

聖德隆千古皇威奠九邊金門頒鳳詔玉節使龍編博  
雅資專對才華屬妙年郎中初遴選省府昔周旋文治  
中華盛仁恩漢國宣清風消瘴雨麗月淨蠻煙跋涉思  
銅柱委蛇跨錦鞵堯天新正朔禹貢舊山川聲語時難  
解雕題倍可憐明年春色早歸拜御階前

張翥

送成禮部誼叔察訪守令河南山東

曆數開千載明良會一時朝廷嚴守令宵旰爲黔黎南  
服方多故東州復阻飢郎官膺簡拔使者出詢諮此命  
於今重如君衆論推直陳廉察往肯作畏難辭靈雨隨  
御選元詩

卷六十一

蘇天爵 張翥

十一

華轂流風度綵旗草兼驄一色柳與轡同絲梁宋分淮  
甸青齊並海涯政苛嗟虎猛民散念鴻離罷奕寧勝任  
姦貪只自私中牟因雉見單父得魚知或有隳其職誰  
能慎所司張弦從急緩朗鑒各妍媸治道誠先務皇心  
實在茲俱爲良吏選足慰遠人思空闊青雲步孤高玉  
樹姿暫傾冠蓋餞行赴簡書期事業懸鍾鼎光華映羽  
儀歸來前席問請入史臣詞

寄題顧仲瑛玉山詩一百韻

并序

至正九年秋海道糧船畢達京師皇上嘉天妃之  
靈封香命祀中書以翥載直省舍人彭實徧禮祠  
所卒事於漳還次泉南臥疾度歲乃仲春至杭遂

以驛符馳上官而往卜山於武康克襄先藏秋過  
吳門顧君仲瑛留讌草堂之墅宴賓十又二人分  
題玉山諸景詩皆十韻盡歡而別舟中筆硯少暇  
因敘事述懷累成百韻語繁則易疵聊以記行役  
耳錄寄仲瑛泊席上諸君子他日或遊崑墅當爲  
一亭一館賦之也

治理逢熙運欽明仰聖皇至仁侔覆載上德配軒唐大  
業勤弘濟元臣協贊襄賢科收俊造庭實粲珪璋入貢  
徠符紱儀韶下鳳皇普天均雨露絕域總梯航每念京  
師食遥需漕府糧神妃所庇護颶母敢飛揚前隊貔  
貅發先驅罔象藏冷颺鼓萬柁朱火耀連檣帝勅申嘉惠

御選元詩

卷六十一

張翥

五

祠官按典常賞勞兼湛澌

時賜省臣漕臣酒幣甚厚

旌烈特魏煌僕本

中林士久陪東觀郎遂叨乘驛傳徧與禮靈場蕩節雕  
龍飾華旗畫隼翔衝流度鄞越陟險過泉漳緬彼湄洲  
嶼嶄然鉅海洋蛟穿崖破碎鯨蹴浪撞搪震鼓轟空闊  
奔帆截渺茫島夸迎使舸瘴霧避天香嘉薦歆芬苾陰  
功助翕張精誠致工祝景貺荅禎祥賈舶傾諸國輿圖  
奄八荒身雖距閩嶠志已略扶桑裴洞三生夢溫陵十  
月涼茲遊平昔冠夙願一朝償女髻皆殊製蠻音各異  
鄉地偏宜荔子人最貴檳榔釀鹿肥漂酒燒蠓液滿房  
招賢簇車騎揮埽積縑細窮臘纔竣事暄春始趣裝劔  
津傳警急汀賊起彼猖獗若旋戡定藩垣慎扞防思親

彌切切行役更遑遑  
孤死嗟奚首龜占喜允臧  
封崇宴  
隰內木拱計峰旁  
薄宦祇牽率孤蹤  
易感傷暫爲江左  
客誰灑墓頭漿  
逝矣川塗阻  
淒其涕淚滂  
南園恰唬鳩  
北路復鳴蜩  
粵若婁東邑  
由來漢太倉  
機雲存故宅  
吳會畫雄疆  
迹踈高士

謂有梁鴻山

遺風挹讓王  
厥田允沃衍

比歲適豐穰  
老我張承吉  
新知顧辟疆  
聞君占形勝  
築室恣徜徉  
鐵笛留嚴客  
青錢乞泰娘  
杏韉紅叱撥  
蘭柱繡鴛鴦  
闢徑通佳處  
栽桃帶柳塘  
修梧羽葆蓋  
美竹碧琳瑯  
列岫濃螺色  
澄湖淨鏡光  
鳥邊嵐漠漠  
魚外水泱泱  
鶴駐遊仙館  
鸞鳴種玉岡  
投竿釣月檻  
隱几讀書牀  
雲結芝英秀  
花團桂樹蒼  
舫齋青篠箔  
漁舍綠苔牆  
棟御選元詩

卷三

張翥

三

宇環相屬園池鬱  
在望直疑金谷墅  
還似輞川莊  
未獲窺詩境  
相邀到草堂  
開尊羅綺饌  
侑席出紅妝  
婉態隨歌板  
齊容綴舞行  
新聲綠水曲  
穠豔大隄倡  
宛轉纏頭錦  
淋漓蘸甲觴  
絃鬆調寶柱  
笙咽炙銀簧  
倚策驂聯轡  
鈎簾燭遶廊  
熨僮供紫蟹  
庖吏進黃麇  
卜晝寧辭醉  
留歡正未央  
分司莫驚坐  
刺史欲無腸  
是集俱才彥  
虛懷共頡頏  
珠璣散欬唾  
律呂應宮商  
鄭老經術富  
于仙詞翰長  
琦初鐙並照  
郊華驥同驥  
壁也牋毫健  
吟篇綵繪彰  
拈題爭點筆  
得句脩盈箱  
勁敵千鈎  
殼精逾百鍊  
鋼語奇凌鮑  
謝體變失盧  
楊瑛甫蚤有譽  
亨衢那可量  
搏扶看怒翼  
騰蹋待蜚黃  
旣篤朋情重  
仍持雅道昌  
披襟

視肝膽刻琰播文章永契欣欣依託衰蹤頓激昂盍簪承  
偉餞授簡藉餘芳自鄙冥搜拙徒令屬對忙端如享敝  
帚何異貯奚囊談笑聊堪接賡酬曷足當吾猶卹以下  
公等楚之良瓠落渾無用艱難實備嘗擬爲豐駕馬竟  
作觸藩羊筋力頻馳騫功名幾慨慷不嫌成晚合深幸  
際時康邂逅因斯會睽違又一方恩恩把別袂眷眷賦  
河梁鴻鴈清秋日薰葭昨夜霜關山凝朔氣星斗麗寒  
芒疾病家多難歸休歲亦陽苦心甘寂莫短髮任蒼浪  
漏屋愁荷蓋塵衣惜蕙纒杜陵非固懶賀監豈真狂回  
首長追憶緘詩遠寄將乾坤浩今古此意詎能忘

分題送京兆趙耕師尹之臨安路帥府照磨得

御選元詩

卷六三

張翥 成廷珪

三

通海湖

萬頃平湖碧浮光映沈寥秀山純浸影滄海暗通潮瘴  
黑雲相蕩春澄雪未消潤露蒙部闊川合洹河遙 稭稻  
收田利蒲魚入市饒雨歸龍氣濕晴浴鶴媒驕夾樹迷  
深箐流花落野椒羶來蠻婦漂船放熨僮橈帥閩開荒  
甸英才屈下僚此心同逝水日夜向東朝

成廷珪

上丞相朶兒只國王

江浙省

太祖開中國元臣起朔方八荒歸版籍千載際明良奕  
世兼茅土聞孫列廟堂白麻新命相紫誥舊封王鏤玉  
爲符契鎔金作印章旣徵扶社稷仍賚理陰陽遼海風

塵靜梁園草木芳精忠存北闕化澤被南荒翠織龍衣  
密黃封蜜酒香三吳歌盛美百辟仰輝光士已賡麟趾  
人爭覩鳳皇小儒狂斐在有頌繼甘棠

王彥芳御史名其所居之堂曰繡榮諸公有詩  
因題卷末

上國疏恩重中臺拜命初兩朝司內府十載奉宸居甫  
歷參謀選俄膺御史除天機織文綺月姊繡華裾繡薦  
冠偏稱麒麟錦不如羽標金鸞鶯花隱玉芙蓉六轡青  
驄馬雙輪白鷺車胸蟠五色線腹稟萬言書被服身何  
忝彌縫志必攄芬芳流簡冊光彩照門閭退戶香煙裊  
垂簾化日舒小山蹲怪石活水灌清渠昆季年皆妙公  
御選元詩

卷六

成廷珪

李孝光

七

李孝光

陪薩使君飲酒鐵塔寺分題得擇龍軒分韻得  
而字

琅玕盡靈種玉立近東池已與風雲會終含冰雹姿氣  
酣猶鬣鱗鱗動覺之而雨暗思雷澤天清入葛陂鳳毛  
當戶見蛇影到杯疑神物煩呵護應看變化時

元真館飲酒分韻得衝字

良朋謝悄悒仙賞屬元冬野淨梅將發山乾雪不封生

萋近芳節出日媚川容愁用詩湔洗寒憑酒折衝幽人  
每多暇俗子自無棕聊以供娛悅詎知縻萬鍾

御選元詩卷第六十二

御選元詩

卷六十二

李孝光

夫

